

Novena Pentekostes nian

Ita prepara an ba Festa de Pentekostes hodi harohan, durante loron sia, orasaun ida-ne'e, hodi husu don sira Espíritu Santu nian mai ita, ba ita-nia família sira no ba Kreda tomak.

Knananuk ba Espíritu Santu

Orasaun:

Mai, Espíritu Sabedouria nian!

hanorin ha'u fuan atu ha'u hatene estima no hadomi soin lalehan sira no tau sira iha fatin dahuluk molok rikusoin sira rai nian. (Glória ba Padre...)

Mai, Espíritu Intelijénsia nian!

leno ha'u neon, atu ha'u komprende no simu mistériu hotu no merese to'o ba koñesimentu kona-ba Ita, Aman, no Oan. (Glória ba Padre...)

Mai, Espíritu Konsellu nian!

Assiste ha'u iha asuntu hotu husi moris ida-ne'e ne'ebé la estavel, halo ha'u dosil ba Ita-nia inspirasaun sira no gia nafatin ha'u tuir dalan loos Maromak nia ukun-fuan sira-nian. (Glória ba Padre...)

Mai, Espíritu Fortaleza nian!

Habiit ha'u fuan iha perturbasaun sira no adversidade sira hotu, no haraik mai ha'u klamar, kbiit ne'ebé ha'u kuran atu reziste hasoru ha'u funu-balu sira hotu. (Glória ba Padre...)

Mai, Espíritu Siénsia nian!

Halo ha'u haree loko-an sira husi mundu nia rikusoin sira ne'ebé liu lalais, atu ha'u uza sira ba Ita nia glória no ha'u klamar nia salvasaun. (Glória ba Padre...)

Mai, Espíritu Piedade nian!

Mai horik iha ha'u fuan no haliis nia ba piedade loos no ba domin santu ba Maromak. (Glória ao Pai...)

Mai, Espíritu Hamta'uk Maromak nian!

Tama iha ha'u isin tomak ho Ita-nia hamta'uk santu, hodi nune'e ha'u bele nafatin la'o iha Maromak nia prezensa no evita buat ne'ebé lahalo haksolok Maromak nia matan sira. (Glória ba Padre...)

Espíritu Santo divinú, ha'u tau hamutuk ha'u-nia orasaun sira ho Santíssima Virjen no apóstolu sira ne'ebé halibur iha senákulu sira-nian no oferese ba ita, hodi husu atu Ita tun mai rai lalais hodi hafoun nia.

G– Haruka Ita-Boot nia Espíritu no halo moris buat hotu.

A– No hafoun Rai tomak.

Ita harohan: Maromak ami Na'i, ita be hanorin sarani sira nia fuan ho roman Espíritu Santo nian, haraik mai ami liuhusi Espíritu ne'e duni, koñesimentu no domin ba justisa, atu ami haksolok nafatin ho Ninia konsolasaun.

Amém.

Ita harohan Ave-Maria tolu ba Na'i-Feto Pentekostes nian ho invokasaun:

"Liurai-Feto Apóstolu sira-nian, harohan mai ami!"

